

БӨЛІМ: МҰҚАҒАЛИ МАҚАТАЕВ / ӨЛЕҢДЕР

## Біздер жеңдік!

ЖАРИЯЛАНДЫ  
22.01.2023ТІРЕК СӨЗДЕР  
Мұқағали МақатаевСІЛТЕМЕ  
<https://bilimger.kz/129608/>

## БІЗДЕР ЖЕҢДІК!

Біздер жеңдік! жоқ болып, жаралы боп.  
Біз куандық алдымен қаралы боп  
Қарсы тұрдық аждаһа алдында біз  
Туған жердің аязы, бораны боп,  
Біздер жеңдік,намысты жібермедік.  
Аждаһаны кезінде шідерледік.  
Қорламасын дедік біз екінші рет,  
Тыныш жатқан бір елді бір ел келіп.  
Біздер жеңдік қарумен, түренмен де,  
Көгімізден қан тамды түнергенде,  
Өзімізді запаста ұстадық Біз,  
Әкемізді майданға жібергенде!!!  
Біздер жеңдік:анамыз ақтай солды,  
Мамық төсек қайғыдан тақтай болды.  
Майдансыз біз шайнаған бір түйір нан,  
Кеудемізде қадалған оқтай болды!!!  
Болды!..  
Болды!..  
Бәрін де білесіңдер,  
Бұл Жеңісті әркім де үлесім дер.  
...Аждаһалар тіріліп келе жатыр!  
Сақтаныңдар, Адамдар!  
Күресіндер!!!  
Мұқағали Мақатаев

ҚМ АА Куәлік нөмірі: KZ45VPY00102718 — ҚР Мәдениет және Ақпарат министрлігі

© 2026 Bilimger.kz Ақпараттық-танымдық білім порталы. Барлық мазмұн авторлық құқықпен қорғалған.